

RESOLUCIÓN DA ALCALDÍA Nº 65/2015

En data 02.06.14 por Providencia Alcaldía iniciouse expediente de contratación do contrato de servizo de mantemento de ascensores, portas automáticas e salvaescaleiras do Concello de Ponte Caldelas.

Visto que, dadas as características do servizo e vistos os informes de Secretaría e Intervención de 30.05.14, estímase que o procedemento máis adecuado é o procedemento aberto, oferta economicamente máis vantaxosa, con varios criterios de adxudicación.

Visto que o día 24.11.14 se redactaron e incorporaron ao expediente o prego de cláusulas administrativas particulares e o de prescrición técnicas, que rexerán a adxudicación do contrato.

Visto o informe de 24.11.14 conxunto de Secretaría e Intervención, e visto que se trata dunha tramitación anticipada de gasto (art. 110.2) quedando supeditado á condición suspensiva de existencia de crédito adecuado e suficiente no exercicio 2015.

De conformidade co establecido no artigo 110 e na disposición adicional segunda do texto refundido da Lei de contratos do sector público, aprobado polo Real decreto legislativo 3/2011, do 14 de novembro, aprobouse en data 24.11.14 (Resolución de Alcaldía nº 485/2014) o expediente de contratación mediante procedemento aberto, oferta máis vantaxosa, con varios criterios de adxudicación, do contrato de servizo de mantemento de ascensores, portas automáticas e salvaescaleiras do Concello de Ponte Caldelas.

Na mesma Resolución aprobáronse os pregos de cláusulas administrativas particulares e de prescricións técnicas e ordeouse a publicación de anuncio no BOP e no perfil do contratante.

En data 19.12.14 publicouse no *Boletín Oficial da Provincia de Pontevedra* e no perfil do contratante un anuncio de licitación, para que durante o prazo de vinte (20) días hábiles os interesados puideran presentar as proposicións que considerasen pertinentes.

A esta contratación se presentaron as seguintes empresas:

1. ZARDOYA OTIS, S.A..
2. ASCENSORES ENOR, SA.
3. KONE ELEVADORES, S.A.

En data 28.01.15 procedeuse á apertura do sobre A, con carácter non público, declarando as tres empresas presentadas como admitidas.

A continuación, procedeuse, en sesión pública, a apertura do sobre B.

A Mesa de Contratación propón en data 03.02.15 declarar como oferta máis vantaxosa do contrato de servizo de mantemento de ascensores, portas automáticas e salvaescaleiras do Concello de Ponte Caldelas, mediante procedemento aberto, á empresa ASCENSORES ENOR, S.A., ao obter unha puntuación de 16,00 puntos, axustándose ó PCAP e ó PPT.

Vistas as oferta presentadas, vistos os criterios de valoración previstos na cláusula 15ª dos Pregos, considerando o disposto no artigo 151 do Real Decreto Legislativo 3/2011 polo que se aproba o Texto Refundido da Lei de CSP, e considerando as competencias da

Alcaldía en materia de contratación establecidas na Disposición adicional 2ª do Real Decreto Legislativo 3/2011 polo que se aproba o Texto Refundido da Lei de CSP,

RESOLVO

PRIMEIRO. Que se clasifiquen as proposicións presentadas polos licitadores segundo a proposta levada a cabo pola mesa de contratación, de conformidade coa seguinte orde decrecente:


1. ASCENSORES ENOR,S.A.
2. KONE ELEVADORES, SA.
3. ZARDOYA OTIS SA

SEGUNDO. Declarar **oferta máis vantaxosa** a presentada pola empresa ASCENSORES ENOR S.A.

TERCEIRO. Que se lle notifique esta decisión e se lle requira a ASCENSORES ENOR, S.A., licitador que presentou a oferta economicamente máis vantaxosa, que presente, segundo a cláusula 18ª do Prego, no prazo de dez días hábiles contados dende o seguinte a aquel en que reciba o requirimento, a documentación que se detalla na cláusula 14 dos pregos así como a acreditación de ter constituído a garantía definitiva que sexa procedente, correspondente ao 5 % do prezo de adxudicación, sen IVE, que ascende a 130,80 €.

Mándao e asino o alcalde, D. Perfecto Rodríguez Muíños, en Ponte Caldelas, o 12 de febreiro de 2015 do que, como secretaria accidental, dou fe.

O Alcalde,



Asdo.: Perfecto Rodríguez Muíños

A Secretaria acctal.,



Asdo: Elvira Crespo Casal